



kat.komp.

14328

III

Mss. St. B.

P

Schedel Nicolai Altes: Corona Liliorum ad solennem
S. Georgii diem

PANEG. et VITAE

Polon. Fol.

№ 372.

Biblioteka Jagiellońska



stdr0004932

CORONA

LILIORVM

ad Solennem

S. GEORGII Diem,

Perillustri, & Admodum Reuerendo Domino,

D. GEORGIO

IANVSZOWIC

I. V. DOCTORI

CANONICO CRACOVIENSI

DECANO SENDOMIRIENSI

Ecclesiæ B. M. V. in Circulo Crac: 17328^m

ARCHIPRESBYTERO.

vnà cum festiuo, auspicatissimæ Introductionis

ad Archipresbyteralem Dignitatem applausu,

officiosissimi cultûs, & Gratulationis ergo.

A

NICOLAO ALEXANDRO SCHEDEL, S. R. M. necnon Illustriss: ac Reueren-
dissimi Dñi. EPISCOPI Crac: Ducis Seueriæ, Typographo.

DEDICATA. J

Anno Salutis 1678. die 24. Mensis Aprilis.

In Stemma

Perillustri, & Admodum Reuerendi Domini.



Hortus conclusus si Virgo est? effloruit in Qua,

Matris, & æternæ Virginitatis honos:

Virginis in Templo Sacrà florere Tiarâ,

Quidni Prælati, Lilia pulchra decet?

BIBLIOTH. UNIV.



JAGELLONICAE



PERILLVSTRI ET ADM. REVERENDO DNO:

D. GEORGIO
IANVSZOWIC

I. V. DOCTORI,

Canonico Cracouiensi, Decano Sen-
domiriē, Eccl: B. M. V. in circulo

Cracouiensi

ARCHIPRESBYTERO.

DOMINO ET PATRONO AMPLISSIMO.



Elicitas hac Urbis Nostræ, quæ Te Archipresbyteralis Ecclesia, Sacro Regimini admotum, in argumentum publicæ latitiæ dedit: Honoris Tui insigni authoramento id meruit, ut omne Solennium rumpat. Communicatio quippe gaudij, quo nunc affluimus; ut Gratias loquatur, necessitatem habet; cum nemo in hac Urbe sit, qui non aliquid, ex amœnissimis Solenniis Tuorum Gratijs decerpit. Agnoscit in Te Metropolis Regia, Patritium Sanguinem suum; cui volupe est, ea in Te Virtutis & Gloriæ Coronamenta sibi polliceri, quæ in magnis SŁOWIKOVIIS Antecessoribus Tuis floruerunt. Agnoscimus omnes in Corona Tua, pretiosas veri Honoris Gemmas, diu capti Ecclesiastici laboris guttas; quæ non prodeunt, nisi meritis exprimantur.

Domestica quidem LILIA Tua, potuissent Tibi amœnius iter, ad honores persuadere; sed Tu elegisti, constans meritis, & diu probatum; ut securius gauderes. Quod ergo pulcherrimum Gloria Tua hoc nobis latissimum; quibus in accessu Honoris Tui, id maximè incundum; posse Nos eodem gaudij sinu, & dignitatem Tuam, & felicitatem nostram excipere; ac velut Lilijs optima spei, coronari. Mihi certè, publicus hic latitiæ Plausus, tanto intimior est; quanto maiori nexu, teneri me ad pronam Tui Venerationem sentio: & Illustrissimi ac Reuerendissimi Principis ac Domini ANDRÆ TRZEBICKI Episcopi Crac. Ducis Seueriæ, eximiâ Protectione, & Liliorum Tuorum candore, ac singulari in me gratia deuinctus. Coronatis proinde Votis ut ampliudinem Honoris Tui prosequerer; Solennem D. GEORGII Martyris Tutelaræ Tui diem, opportunam elegi; quâ Tuus ipse Lilijs, in hac Archipresbyterali Ecclesia, & Dignitate Tua, Coronatus prodires. Decora hac Tua sunt, quæ ex Te ipso decerpta, & in Coronam hic Virtutis, ac Gloriae Tua nexa, aternitati transcribimus. Tu meum in ijs erga Te cultum & Observantiæ pignus; humanissimo affectu, atq; Patrocinii gratiâ, cum dignaberis; opellam hanc quamvis exiguam, satis Coronatam putabo.

**Perillustri & Admodum Rndæ
Dominationis Vestræ.**

Deuotissimus Clientis

ac humilis Seruus

NICOLAVS ALEXANDER SCHEDEL

C O.



CORONA LILIORVM Genuinum Virtutis decus

LILIORVM innocens ebur, ad Prælatos Ecclesiæ spectat;
quos animorum Lilia decent.

Non est pulchrior CORONA quam Innocentia;
primarijs, in Ecclesia Viris tanto conuenientior;
quanto viciniùs summæ puritati assistunt;
cuius in terris & vices agunt, & oracula promunt.

*Eminentissimum caput in lilijs,
vniuersos Hortorum flores, quamuis supergrediatur;
candidissimum ad omnes verticem demittit.*

Corona Prælatorum maxima,
Gloriâ, & Honore ab omnibus coronari;
inclinari ad omnes:

*Lilium innocens haberi, sed non inter spinas,
nisi aculeis Zeli armari oporteat;
quoties pro Deo, & Ecclesia agitur.*

Felices spinæ, quæ non vulnerant, sed tuentur;
etiâ Lilijs decoræ, si germina sua fidis excubijs coronant.

Sed quis putasset?

ad CORONAM LILIORVM, sanguinis esse iter?
quod in Martyre GEORGIO cruentum,
in vestigijs defensæ Innocentiæ, lilia germinauit.

Fortitudo Martyris,

non conculcauit tantum draconem, sed transfixit;
Sanguine mox fuso pro Fide, & innocentia cordis;
vt pro paludamento militari fieret,

Byssus, & purpura indumentum eius.

In aureola Martyrij, gutta sanguinis, gemmæ sunt;
quæ Dilectum Deo candidum fecerunt, & rubicundum;
pulcherrimo inter Rosas, & Lilia nexu;

dum nemo inter Lilia pascatur;
qui stolam suam in sanguine AGNI non lauisset.

Fasciculus hic Liliorum,
in Diuo Martyre Tutelari Tuo,
gloriæ Tuæ coronamentum est,
Perillustis & Admodum Reuerende Domine

GEORGI IANVSZOWIC,

Basilicæ Cracouiensis, quæ Assumptam in Cælos Virginē colit,

ARCHIPRESBYTER Infulate

Heroëm animum in Diuo Martyre Tuo secutus,
ad **CORONAM LILIORVM** tutissimum iter putasti,
diu meritis signatum, & constantiâ inuictum.

Gentilitium hoc **EBVR** Tuum,
quod Patricio in hac Vrbe Sanguini debes;
non inter insignia tantum Tua numeras;
sed inter animi quoq; decora censes;
*ne frustra vestibulum Lilia coronent; si pectoris conclave,
Candore, & Innocentiâ non floreat.*

Fuere ex Sanguine Tuo,
qui **LILIA** sua, **GEMMIS** Cathedralibus inferentes,
præiuerunt Honori Tuo;
vt rem omnium pulcherrimam consequereris.

inter Flores & Gemmas Prælatorum, intra easdem Coronas censeris.
Peraugusti Capituli Cracouiensis

Tres CORONÆ

pretiosam Ecclesiæ Dei, & Patriæ gemmarum
Dactyliothecam complexæ;
etiam **LILIIS** Tuis in Areolas cessere;
intra quas Virtute, Sapientiâ, Authoritate,
germinauit vt Lilium,

Perillustis olim & Adm: Rndus, Patruus Tuus,

BARTHOLOMÆVS IANVSZOWIC

Ecclesiæ Cathedralis Cracouiensis Canonicus,
cui clauum suum, Ratis **ZADZIKOVIANA** cum commisisset;
inuenit in eo felices Ecclesias suas;
cum optimo regimine, coronatum in portu dirigeret cursum,
tanto Antistite dignus

Generalis AVDITOR.

Datus

Datus & Germani Sanguinis Tui Decor,
Sacris Cathedræ Præmysliensis, coronamentis, & vsibus;
magno de se Zamoscij Præsulis iudicio
ex virtute respondit.

Perillustis olim & *Admodum Reuerendus*
IOANNES IANVSZOWIC

Ecclesiæ Cathedralis Præmysliensis Canonicus,
mirâ illâ animi integritate, prudentia, suauitate, & cultu,
verè Lilijs ad omnes Candorem, & Gratias locutus.

Nec defuit Oraculis quoque sacræ Eloquentiæ,
ex germinibus Tuis gratia,

in

Admodum Rñdo olim, & *Religiosissimo Patre*
ERASMO IANVSZOWIC

Sacræ Theol: Præsentato

Ordinis Prædicatorum Candidissimo Flore;

in cuius ore facundo, Mariæ Nomen dulcissimum

non vna Liliorum grandine,

Panegyristam suam inundauit.

Floruere hæc omnia,

ad Coronæ Tuæ augmentum, & Nominis gloriam;

ut quæ in ijs summa fuere, dum continuas, & imples;

decora Maiorum, Infulatis etiam honoribus

coronares.

LILIVM Tuum

Laureis primo Doctoralibus insertum,

à sapientiæ cultu, venit ad lucis publicæ Solem;

Spectatissimum ex eo,

quod in oculis maximi Antistitis, & Senatoris,

meritorum tot Olympiadas exegisset.

Speculum Vitæ Tuæ

candidissimi **OLORIS** Innocens pupilla;

in cuius limpido probitatis idea omnis,

virtutum tuarum ita composuit decus;

ut in eo facile appareat, quam ex nitido venerit.

Vidimus Seculo nostro,

AQVILÆ Sarmaticæ **CYGNVM** Atlantem,

Regias vices impleuisse, & sustentasse fortunam Regni,

cum maximè labasceret;

dignas Imperio mentes, prout intelligente;

ita, & Cygnea voce, Regem nobis dicente,

IL.

ILLVSTRISSIMO & REVERENDISSIMO
PRINCIPE
ANDREA TRZEBICKI

Episcopo Cracouiensi, Duce Seueriæ;
cui debemus

*Quidquid in Ecclesia Dei Sacrum & illibatum;
quidquid in Patria augustum.*

Ab hoc Olore,

Si Regnatrices Aqvilæ probantur?
quidni gloriæ Tuz, Coronamentum maximum sit:

LILIA illi Tua probata,
tanto meritorum experimento placuisse.

Ab hac Principe manu
digna meritis Tuis veniens gratia;
quæ Te Peraugusti Capituli Cracouiensis,
Trium Coronarum gemmis addidit;
nunc in Basilica Assumptæ in Cælum Virginis,

Scilicet in Liliero suo,
Eminentissimum Cleri Archipresbyteralis Ecclesiæ Florem,
bonis vtiq; auibus,
nempe Cygnis fauentibus
plantat.

Circulus hic Tibi,
metropolis Regiæ honor, & amor;
cor Magnæ Virginis

Centrum est;

in quo Tibi Cleri, & Vrbis occursum,
Aue saluatorium cum dixisset;
effluerunt omnium pro Te vota,
Ceu Lilium in decore suo.

Quod ergo

Augustissimæ Cælorum Reginæ,
felix Sabbathum capit;

D. GEORGII Tutelaris Tui,

Coronata Lilijs,

verè Dominica continuet dies;
vt quod Domini Mater benedixit,

in GEORGIO triumphet.

ita Ecclesiæ, Clero, & Vrbi,

honoriq; Tuo vouemus;
vt longæua Seculi, & regiminis Tui,

CORONA fiat,
sicut

ACERVVS LILIORVM.



J. XXIII. 2.



